



**Tunis** je najmanja i najsjevernija afrička država smještena u sjeverozapadnom dijelu najtoplijeg kontinenta. Od najsjevernije tačke Tunisa do Italije je samo 145km. Sa sjevera i istoka, njegove obale zapljuskuju vode Sredozemnog mora dužinom od oko 1.300km, na zapadu graniči se sa Alžirom, a na jugoistoku s Libijom. Oko 40% južne i jugozapadne teritorije pokriva pustinja Sahara. Planinski vijenac, dio istočnog Atlasa, dijagonalno presijeca zemlju i dijeli pustinjsku od mediteranske klime. Tunis ima bogatu i dugu historiju, ali najburniji period nastaje dolaskom Feničana, osnivača Kartagine, u IX vijeku prije nove ere, pa se uglavnom govori o 3000 godina staroj historiji i kulturi u kojoj su se smjenjivali uticaji Puna, Rimljana, Arapa, Turaka, afričkih i raznih evropskih naroda... sve do dolaska Francuza i osnivanja njihovog protektorata nad Tunisom krajem XIX vijeka. Starosjedioci Tunisa su Berberi koji i danas govore berberskim jezikom. Nakon burne historije obilježene raznim osvajačima, Tunis postaje Republika Tunis 1957. godine. U Tunisu koji ima površinu od 163.610km<sup>2</sup> živi cca 12,5 miliona stanovnika. Zvanični jezik je arapski, ali svi stanovnici Tunisa govore i francuski. Radnici u turizmu govore i engleski, a neki i njemački i italijanski.

### Štaposjetitiu Tunisu

U Tunisu turisti mogu posjetiti historijske spomenike poput ostataka drevne Kartagine, rimski amfiteatar u El Džemu, Nacionalni muzej Bardo u glavnom gradu s najvećom kolekcijom rimskih mozaika, Veliku džamiju u Kajrevanu, potom izuzetnu gradsku arhitekturu arapsko-andaluzijskog stila u Sidi Bu Saidu, spomenike kulture, od kojih su neki jedinstveni na afričkom tlu, neobične berberske kuće ukopane u pustinjski pijesak, mogu se probati razna nacionalna jela tradicionalne kuhinje Berbera, čuveni kus-kus ili francuski bageti, kroasani i sirevi,...


### Grad Tunis

Prijestonicu Tunisa, grad Tunis, karakteriše dinamičan spoj tradicije i modernosti, mediteranskog i evropskog šarma. Grad ima trivažne cjeline: Medinu, koja je staro arapsko-tursko jezgro grada, francuski dio, nastao krajem XIX i u prvoj polovini XX vijeka i najnoviji, moderan dio koji se prstenasto širi ka sjeveru i uz obale jezera Tunis. Uže urbano područje ima cca 730.000 stanovnika, dok metropolitansku regiju naseljava čak 2.400.000 stanovnika.

### SidiBuSaid(SidiBouSaid)



Duž popločanih ulica nižu se bijele kuće plavih vrata i prozora, ukrašenih kovanim željezom, a u dvorištima rastu čempresi, lovori, bugenvilije. Sa nekoliko vidikovaca pruža se panoramski pogled na zaliv Tunis. Brojne su prodavnice suvenira, rukotvorina, srebrnog nakita, galerije slika i akvarela. Sidi Bu Said predstavlja tunižanski St. Trope, nezaobilaznu turističku atrakciju, sa čuvenom vilom barona Rudolfa d'Erangerai malim, luksuznim hotelima i poznatim Café des Nattes (prepoznatljiv kafić s lijepim pogledom na šarmantni grad Sidi Bu Said).



### Tunis | Ljetovališta

Turistička sezona u Tunisu traje tokom cijele godine zbog mediteranske klime. Sunce, plaže, more, pijesak, kamile, pustinja, udobni hoteli su prve asocijacije za putovanje u Tunis. Tunis je sve to, ali i mnogo više... U našoj ponudi su hoteli različitih kategorija u ljetovalištimama Hamamet, Jasmin Hamamet, Sus (ar. Susa, fr. Sousse), Port Kantaui, Skanes-Monastir i Mahdia. Ljetovanje u Tunisu je organizovano u smjenama na 7 i 14 noćenja, odnosno 8 ili 15 dana.

**HAMAMET(HAMMAMET)**(ar.mjestozakupanje)Nekada malo ribarsko mjesto, u zalivu Hamamet, na jugu poluostrva Kap Bon, najplodnijeg i najzelenijeg dijela Tunisa, još u XIX vijeku postaje omiljeno ljetovalište mnogih poznatih umjetnika, poput Gistava Flobera, Oskara Vajlda, Andrea Žida. Staro gradsko jezgro čini medina iz XV vijeka, izgrađena na stijenama uz obalu mora. Unutar izuzetno očuvanih zidina nalazi se lavirint popločanih uličica i uskih prolaza, a u njemu kuće mještana i brojne prodavnice i galerije.

Razvoj turizma u Tunisu započeo je baš u Hamametu šezdesetih godina XX vijeka. Najstariji hoteli sa raskošnim mediteranskim vrtovima nalaze se na području šireg centra grada, a postoje i dvije turističke zone: Hammamet Nord koji se na sjeveru proteže sve do Nabela, poznat polijepim pješčanim plažama, i na jugu, udaljen

9km od centra grada, **JASMIN(YASMINE) HAMAMET**, moderna turistička zona, projektovana po uzoru na poznata ljetovališta na Mediteranu, sa novosagrađenom (u kojoj su smješteni bazari-sukovi, butici, restorani i slastičarne), marinom do koje možete prošetati lijepom promenadom dužine oko 3km i zabavnim parkom Carthage Land. Jasmin Hamamet turistima nudi smještaj u udobnim hotelima u neposrednoj blizini uređenih plaža i mora, brojne mogućnosti za rekreaciju, zabavu, izlaske i kupovinu zbog čega se posljednjih godina svrstava u vrh mediteranskog turizma. Postao je jedna od najpopularnijih i najtraženijih destinacija za Odmor na Mediteranu.



### **SUS(ar.SUSA,fr.SOUSSE)**

Danas je Sus treći grad po veličini u Tunisu u kome živi oko 230.000 stanovnika (u široj regiji do 700.000). Nalazi se cca 140km južno od glavnog grada Tunisa, i predstavlja turističku prijestonicu zemlje. Duž lijepih pješčanih plaža nalaze se mnogobrojni hoteli, a grad je poznat i po medini iz IX vijeka, jedna od najbolje očuvanih tvrđava u Tunisu, sa koje se pruža divan pogled na cijeli grad.

Šetnja ulicama i uskim prolazima medine je prilika za istraživanje i upoznavanje orijentalnog svijeta, njegovog specifičnog ritma i čari cjenkanja.



**PORT EL KANTAWI (fr. PORT EL KANTAOUI)**Udaljen je 6 km sjeverno od Susa. Ljetovalište građeno od 1979. godine kao velika turistička zona oko marine u kojoj istovremeno može da se usidri preko 300 jahti. Arhitektura, iako moderna, oslanja se na tradicionalnu arhitekturu Tunisa, sa bijelim kućama ukrašenim tirkizno plavim vratima i prozorima. Hoteli su građeni u istom stilu duž obale blistavo čistog mora, na pješčanim plažama sve do grada Susa. Zbog dugih plaža, sadržajnih hotela i bogatog noćnog života, Port El Kantavi je postao omiljena destinacija za porodični odmor i odmor mladih turista.

Port je uređen i čist, potpuno prilagođen turistima, sa puno zelenilai cvijeća, idealan za šetnje. U marinise nalazi veliki broj prodavnica, kafića, restorana i čuvena fontana sa svjetlosno - muzičkom koreografijom. Taksijem ili lokalnim prijevozom se lahko i brzo stiže do Susa, ali i do Hergle, malog berberskog sela sa nekoliko odličnih restorana i slastičarni i očuvanim lokalnim načinom života.

**SKANES** Mirna turistička zona smještena nadomak dva grada, Monastira na jugu i Susa na sjeveru. Ima niz dobrih hotela bogatog sadržaja. Skanes je pravo mjesto za porodični odmor, za putnike koji žele odmor u tihoj atmosferi, uz ogromne maslinjake koji ovom regijom dominiraju još od perioda Rimljana. U turističkoj zoni nalaze se prodavnice suvenira i kafići, a obilazak je moguć i kočijama koje čekaju ispred hotela. Taksijem ili lokalnim prijevozom lahko i brzo se stiže do Monastira i Susa.

**MEHDIJA (MAHDIA)**Mali primorski grad sa cca 60.000 stanovnika nalazi se 50km južno od Monastira, na uskom poluostrvu, koje je od ostatka kopna, na najužem dijelu, odvojeno jedinom gradskom kapijom, Skifa el Kahla. Mahdia je uspjela da sačuva šarm lokalnog, mirnog tunižanskog mjesta. U luci Mahdije je sniman nekoliko scena filma Engleski pacijent. Odlična je polazna tačka za upoznavanje centralnih i južnih dijelova Tunisa. Turistička zona se pruža uz predivnu pješčanu plažu sjeverno od grada i u ponudi ima kvalitetne i sadržajne hotele.



### **RAZGLEĐANJE GRADA SUSA(poludnevni izlet)**

**08:30h-13:00/13:30h**

Polazak iz hotela od 08:30h. Odlazak do Medine (Stari grad), koja je pod zaštitom UNESCO-a, posjeta prvoj džamiji u gradu i najstarijem objektu u Medini sa kulom Ribat, sagrađenom još u 8. vijeku kao utvrđenje. Nakon obilaska Medine, slijedi posjeta Muzeju maslina i odlazak do marine u ljetovalištu Port El Kantawi. Slobodno vrijeme. Povratak u hotel oko podneva. *U cijenu izleta uključene su usluge vodiča, bus transferi i ulaznica u muzej.*

**CIJENA: Odrasli–25EUR, djeca 2-12 godina 15EUR**

### **TUNIS–KARTAGINA–SIDIBOUSAID(cjelodnevni izlet)**

**07:00h-19:00h**

Polazak iz hotela u jutarnjim satima (od 07:00h). Dolazak u Tunis oko 10:00h. Slijedi obilazak centra grada Tunisa, i glavne avenije nazvane po prvom predsjedniku Tunisa Habibu Burgibi (Habib Bourgiba), duž koje se nalaze butici poznatih modnih brendova. Na kraju avenije nalazi se ulaz u Medinu koja je na listi UNESCO svjetske baštine od 1979.g. Medina sadrži oko 700 spomenika, uključujući palate, džamije, mauzoleje, medrese i fontane. Slobodno vrijeme. Pauza za ručak. Odlazak u Kartaginu, koja je bila glavni grad drevne feničanske civilizacije, obilazak arheološkog lokaliteta, koji je pod zaštitom UNESCO-a, a zatim posjeta čuvenom Sidi Bu Seidu, apsolutnoj atrakciji broj jedan u Tunisu, gradiću poznatom po popločanim ulicama i plavo-bijelim kućama, te žutim i narandžastim stablima citrusa koja ukrašavaju ulice. Slobodno vrijeme do 16:00h kada je predviđen povratak prema hotelima. *U cijenu izleta uključene su usluge vodiča, bus prijevoz, ulaznice i ručak (bez pića).*

**CIJENA: Odrasli–65EUR, djeca 2-12 godina 33EUR**

### **KAJREVAN(KAIROUAN)+ ELDŽEM(ELJEM)(cjelodnevni izlet)**

**06:50h-18:30h**

Polazak iz hotela u jutarnjim satima. Dolazak u grad Kajrevan (Kairouan), koji je u islamskom svijetu poznat kao četvrto najvažnije svetište poslije Meke, Medine i Jerusalima. Obilazak gradske Medine, Velike džamije iz 7. vijeka, a zatim posjeta Nacionalnom Muzeju islamske umjetnosti u Rakadi (cca 10km jugozapadno od Kajrevana). Pauza za ručak. Nakon toga slijedi obilazak najvećeg rimskog amfiteatra u Africi iz 3. vijeka u mjestu El Džem (El Jem), koji je služio za gladijatorske borbe. Izlet završavamo posjetom Arheološkom muzeju sa velikom kolekcijom rimskih mozaika. *U cijenu izleta uključene su usluge vodiča, bus prijevoz, ulaznice i ručak (bez pića).*

**CIJENA: Odrasli–50EUR, djeca 2-12 godina 25EUR**

### **PUSTINJA SAHARA(dvodnevni izlet sa noćenjem)**

**Prvi dan** - polazak iz hotela u ranim jutarnjim satima (od 06:00h) autobusom ka jugu, do El Džema, gdje se nalazi najveći i najočuvaniji rimski amfiteatar na tlu Afrike. Slijedi razgledanje. Putovanja nastavljamo vozeći se kroz nepregledne maslinjake do Mahresa, živopisnog ribarskog naselja i poznate umjetničke kolonije. Vožnja duž morske obale do Gabesa, najveće primorske oaze u Tunisu, a zatim prema unutrašnjosti do Matmate, jedinstvenog berberskog naselja u brdovitim predjelima pustinje. U 13:15h pauza za ručak. Obilazak jedne od naseljenih zemunica u kojima Berberi žive na tradicionalni, vijekovima nepromijenjeni način. Nastavak vožnje kroz pustinju i dolazak u oazu Duz (Douz), koju nazivaju i vratima Sahare, gdje počinje prava pustinja. Poseban doživljaj predstavlja jahanje kamila u karavanu preko pješćanih dina (fakultativno, dodatno se plaća). Večera i noćenje u hotelu 4\*.

**Drugi dan** – rano nakon doručka, u zoru, slijedi nastavak putovanja do Šot El Džerida (Chott El Jerid), najvećeg isušenog slanog jezera u zapadnoj Sahari. Nakon prelaska jezera, slijedi najzanimljiviji dio izleta, spektakularna vožnja džipovima kroz najljepše predjele pustinje: pješćane dine, kristalnu pustinju, slana jezera... Vidjećemo i lokaliteta kojima su snimani veliki svjetski filmski spektakli kao npr. „Engleski pacijent“. Poseban doživljaj, naročito za ljubitelja naučne fantastike, jeste obilazak kulisa specijalno konstruisanih za snimanje filma „Ratovi Zvijezda“. Pauza za slikanje u podnožju veličanstvenog Atlasa i obilazak Šebike (Chebika), najljepše planinske oaze u Tunisu. Nastavak putovanja do Kafse (Gafsa) i ručak u mjestu Mitlewi (Metlaoui). Nastavak putovanja prema sjeveru, do Kajrevana, grada poznatog kao duhovna prijestonica Tunisa u kojoj se nalazi i veličanstvena Velika džamija. Pauza u prodavnici tepiha, najljepšeg zanatskog proizvoda Tunisa. Kraj izleta. Dolazak u hotele u ranim večernjim satima. *U cijenu izleta uključen je bus prijevoz, jedno noćenje na bazi polupansiona u hotelu 4\*, dva ručka (piće uz doplatu, vožnja džipovima i usluge vodiča.* **CIJENA: Odrasli – 140 EUR, djeca 2-12 godina 88 EUR**

**KRSTARENJE BRODOM(poludnevni izlet)****08:30h-13:00/13:30h**

Polazak iz hotela u jutarnjim satima (od 08:30h). Dolazak u centar starog grada Susa, slobodno vrijeme do 10:00h kada isplovljavamo na otvoreno more. Animacija na brodu, lagani ručak (riba i salata), voda, sezonsko voće. Kupanje na otvorenom moru. Povratak u luku Sus u 12:30h. U cijenu izleta uključen je bus prijevoz doluke, krstarenje, lagani ručak, voda, voće.

**CIJENA: Odrasli-30EUR, djeca 2-12 godina 15EUR****KAJREVAN(fr.KAIROUAN)(poludnevni izlet)****06:50h-13:30h**

Polazak iz hotela u jutarnjim satima. Dolazak u grad Kajrevan (Kairouan), koji je u islamskom svijetu poznat kao četvrto najvažnije svetište poslije Meke, Medine i Jerusalima. Obilazak gradske Medine, Velike džamije iz 7. vijeka, a zatim posjeta Nacionalnom Muzeju islamske umjetnosti u Rakadi (cca 10km jugozapadno od Kajrevana). Pauza za ručak. Cijena izleta obuhvata bus prijevoz, ulaznicu u muzej, usluge vodiča i ručak (piće uz doplatu).

**CIJENA: Odrasli-35EUR, djeca 2-12 godina 18EUR****IZLETI-VAŽNE NAPOMENE**

- Navedene cijene izleta su informativnog karaktera. Prijava za izlete vrši se kod Centrotours osoblja u Tunisu.
- Realizaciju izleta vrši lokalna agencija-partner TimeToBook. Lokalna agencija zadržava pravo izmjene redoslijeda, sadržaja i datuma izvođenja izleta, uslijed nepredviđenih, opravdanih razloga.
- **Molimo klijente koji idu na kolektivne izlete da budu tačni u zakazano vrijeme na ulazu u hotel, te da imaju strpljenja čekati. Molimo Vas da imate u vidu da ponekad prikupljanje po hotelima duže traje.**
- U SLUČAJU OTKAZIVANJA IZLETA, ILI NEPOJAVLJIVANJA NA ISTOM POVRAT NOVCA NIJE MOGUĆ. LOKALNA AGENCIJA ZADRŽAVA PRAVO DA ODOBRI POVRAT U IZNOSU OD 50% CIJENE IZLETA, A VRAĆA CJELOKUPAN IZNOS SAMO U SLUČAJU NEPOJAVLJIVANJA NA ISTOM POVRAT NOVCA. OTKAZ UOČI SAMOG IZLETA (MANJE OD 24H) SMATRA SE KAO NO SHOW I NEMA POVRATA NOVCA.
- MOLIMO VAS DA NE BUKIRATE IZLETE KOD NE-AUTORIZOVANIH AGENCIJA NA INTERNETU, U LICILIPLAŽIJER U TOM SLUČAJU NE SNOSIMO ODGOVORNOST ZA MOGUĆE PROBLEME ILI NEPRIJATNOSTI.

Zahvaljujemo se na razumijevanju. #ŽiviŽivotPutujCentro

**EIDžem****Sidi Bou Said****Mahdia****Kajrevan****Sahara****Šebika****Matmata****Monastir**